



Ul Šehida bb
72240 Kakanj
Bosna i Hercegovina
Tel, fax: +387 32 559 625
email: biblion_ka@yahoo.com

IZVJEŠTAJ O RADU ZA 2023. GODINU

Kakanj, januar 2024. godine

UVOD

Gradska biblioteka Kakanj je:

- ◆ kulturno
 - ◆ informacijsko
 - ◆ multimedijalno središte općine Kakanj
- koje građanima osigurava :
- ◆ pristup izvorima znanja
 - ◆ pristup informacijama
 - ◆ pristup kulturnim sadržajima
 - ◆ uključivanje u zajednicu
- za potrebe:
 - ◆ obrazovanja
 - ◆ stručnog i naučnog rada
 - ◆ cjeloživotnog učenja
 - ◆ informiranja i odlučivanja
 - ◆ kulturne nadogradnje

CILJ :

- ❖ omogućavanje korištenja kulturnih i naučnih tekovina, zabilježenih na različitim vrstama bibliotečke građe, radi svestranog kulturnog, naučnog i obrazovnog napretka pojedinca i društva u cjelini.

Svoje ciljeve Biblioteka ispunjava :

- izgradnjom i smještajem bibliotečkih fondova
- stručnom obradom, čuvanjem i zaštitom bibliotečkih fondova,
- osiguravanjem pristupačnosti i pozajmicom bibliotečke građe
- formiranjem baza podataka
- promoviranjem bibliotečke građe, te podsticanjem njenog korištenja
- podsticanje lokalnih književnih stvaralaca
- razvijanjem usluge informiranja kao demokratskog prava
- promicanjem svijesti o kulturnom, posebno zavičajnom naslijeđu
- gajenjem dijaloga među kulturama i zastupanjem kulturnih različitosti
- stvaranjem i jačanjem čitateljskih navika, kreativnosti i inovativnosti kod korisnika
- podupiranjem formalnog obrazovanja i cjeloživotnog učenja
- stručnim i informiranim osobljem
- urednošću i dobro održavanim prostorom i funkcionalnom opremom
- otvorenošću kapaciteta Biblioteke i za druge potrebe lokalne zajednice

Gradska biblioteka Kakanj je u 2023. godini pred sebe postavila sljedeće ciljeve:

- ❖ daljnja izgradnja kapaciteta Biblioteke,
- ❖ moderniziranje bibliotečke djelatnosti u skladu sa savremenim bibliotečkim standardima,
- ❖ popularizacija bibliotečke građe i poticanje građana na njeno korištenje.
- ❖ realizacija projekta proširenja prostornih kapaciteta Biblioteke

Realizirani zadaci i provedene aktivnosti u 2023. godini pokazuju da je Biblioteka ispunila svoje ciljeve i obaveze koje je lokalna zajednica pred nju postavila i koje Zakoni propisuju. Danas sa sigurnošću možemo reći da je naš Kakanj u BiH i svijetu poznat i po svojoj Gradskoj biblioteci, koja po dobru pronosi ime grada i njegovih ljudi.

Naše želje i planovi da bezbijedimo dodatni radni prostor potreban za dalji razvoj biblioteke ove godine neočekivano su se ispunili. Vlada ZDK je obezbijedila 300.000,00 KM za realizaciju projekta rekonstrukcije i nadogradnje objekta Gradske biblioteke Kakanj.

Treba biti precizan i reći da će ovim projektom radni prostor dobiti i JU KSC Kakanj.




Aktivnosti na realizaciji ovog projekta su uveliko u toku, uz određene poteškoće. U nastavku Izvještaja iznosimo pokazatelje koji najbolje argumentiraju naše tvrdnje.

I - BIBLIOTEČKI POSLOVI:

ČLANOVI

Korisnik usluga je naša najveća vrijednost i svu pažnju posvećujemo njemu.


Broj upisanih korisnika:

-  na godišnjem nivou = 1.396
-  odjeljenje za djecu = 694
-  odjeljenje za odrasle = 702

Broj članova: Tabela 1.

Red broj	GODINA	BROJ ČLANOVA
1.	2019	1.282
2.	2020	2.236
3.	2021	1.955
4.	2022	1.855
5.	2023	1.396

Upisnina:

-  U skladu sa opredjeljenjem Općinskog načelnika i ove godine su svi građani imali pravo besplatnog pristupa bibliotечkoj građi i ostalim uslugama biblioteke.

Općina je preuzela obavezu da iz Budžeta alimentira sredstva koja bi Biblioteka dobila od naplaćivanja upisnine.

U skladu sa preuzetom obavezom Općina je trebala uplatiti 10.470,00 KM /uplatila samo 6.000,00 KM/. Razlika / 4.470,00 KM/ je značajna i govori o odnosu prema biblioteci i bibliotечkoj djelatnosti.

Evidentan je značajan pad upisanih korisnika usluga. Neki od razloga su: pad interesovanja za knjigu kod šire čitalačke publike i korištenje interneta kao svojevrsne biblioteke, bolja popunjenost bibliotечkih fondova u školskim bibliotekama, razvoj kućnih biblioteka....

Biblioteka je uključena u COBISS.BH on line sistem i u sistemu imamo evidentirano više od 2.500 korisnika koji su iskazali svoj interes za korištenjem bibliotečke građe.

- Naravno, novi zahtjevi korisnika traže i dodatno zapošljavanje bibliotekara i insistiranje na većoj odgovornosti korisnika. Biblioteka 2000 godine i biblioteka 2022. godine nisu jedno te isto. Na našu sreću, u našem slučaju i nije. Novi poslovi, novi zahtjevi korisnika, nove tendencije u bibliotečkoj djelatnosti zahtijevaju nove stručne radnike. Posljednje primanje radnika bilo je 2006. godine.

Naša misija je:

- nabavka i korištenje bibliotečke građe
- širenje pismenosti i informiranosti
- usvajanje kulturnih vrednota

Ostvarivanje misije:

- ostvarujući svoju misiju stvaramo potrebne uvjete da građani Kaknja svoje potrebe u ovom domenu mogu u potpunosti zadovoljiti
- Kakanj bi trebao imati mnogo, mnogo veći broj korisnika usluga Biblioteke
 - ono što je posebno bitno, mi istrajavamo u nabavci knjiga i organiziranju programskih sadržaja koje građani prepoznaju i koriste kapacitete svoje Biblioteke

Broj članova – struktura. Tabela 2.

GODINA	UČENICI OSNOVNE ŠKOLE	UČENICI SREDNJE ŠKOLE	STUDENTI	ZAPOSLENICI	PENZIONERI, DOMAĆICE I POLJOPRI VREDNICI	VRTIČ	POLNA STRUKTURA		UKUPNO
							ŽENE	MUŠKI	
0	1	2	3	4	5	6	7	8	9
2021	875	554	103	325	67	31	1.262	693	1.955
2022	850	520	96	290	76	23	1.185	670	1.855
2023	617	321	84	237	60	77	896	500	1.396


Najbrojniji korisnici:

- Učenici osnovnih i srednjih škola
 - zbog njihove obaveze savladavanja lektirnih programa i istraživačkih programa iz drugih nastavnih predmeta
 - značajan broj mladih koji čitaju i veliki broj knjiga iz oblasti lijepe književnosti
- Studenti
 - posebno usluga bibliotečke čitaonice, gdje uz stručnu pomoć bibliotekara i online COBISS.BH/ Pozajmica pronalaze referentnu bibliotečku građu koju koriste u čitaonici
- Zaposlenici, penzioneri i domaćice
 - nažalost, još uvijek mali broj korisnika, ali ohrabruje da su svi oni veliki ljubitelji lijepe riječi,
 - polna struktura čitalaca je u korist žena: 896 žene : 500 muški


- kakanjski mališani polaznici vrtića
 - značajan broj mladih roditelja, očeva i majki dolaze sa svojom djecom i upoznaju ih sa knjigama, čitajući im odabrane slikovnice
- ❖ Ovi podaci nameću obavezu daljnje realizacije kampanje promicanja čitanja kod starijih građana općine Kakanj, ali i kod djece i mladih, što mi redovno i činimo
- ❖ Brojnost članova i dobna struktura je rezultat i već standardiziranog mišljenja kod nas da završetkom školovanja prestaje svako daljnje obrazovanje, odnosno čitanje, što je protivno uspostavljenim standardima u svijetu, gdje su uspostavljeni trendovi i standardi cjeloživotnog učenja i permanentnog informiranja, što su i zahtjevi modernog društva. Uvažavajući strukturu čitalaca, Biblioteka je najveći broj svojih programa opredijelila mladima, uz napomenu da su u tim programima učestvovali kao kreatori i kao realizatori.
- ❖ Moramo istaći da mladi prepoznaju napore radnika Biblioteke u ispunjavanju njihovih potreba i zahtjeva, te pružanju šansi za kreativno ispoljavanje vlastitih snaga.
- ❖ U svijetu u kojem živimo, dominacijom tehničko-tehnoloških inovacija, ipak značajnu ulogu ima lijepa književnost i posebno pristup radnika biblioteke spram čitalaca. Naši korisnici su prijateljski raspoloženi prema biblioteci. Njihov razgovor sa knjižničarima, bibliotekarima i drugim osobljem u biblioteci djeluje terapijski i na jedne i na druge.


NABAVKA KNJIGA:

Tab	GODINA	BROJ KNJIGA	
		UKUPNO	VRIJEDNOS
1.	2021	1.539	28.469,54
2.	2022	1104	18.589,43
3.	2023	1072	21.879,93

 U skladu sa Odlukom Načelnika Općina je obezbijedila dio finansijskih sredstva /6.000,00 KM/ za besplatnu upisninu, kojom kupujemo nove knjige. Nadamo se da će Općina u 2024. godini dosljednije ispunjavati preuzete obaveze prema Biblioteci i alimentirati ostali dio sredstava od „upisnine“. Sredstva od alimentirane upisnine uložena u nabavku knjiga: = 6.000,00 KM.


Vlastita sredstva - drugi izvori uložena za nabavku knjiga = 9.984,15 KM

 Naše opredjeljenje da bez nove knjige nema čitalaca prepoznali su mnogi prijatelji Biblioteke i podržali poklonima knjiga: Fondacija za bibliotečku djelatnost F BiH, Fondacija za izdavaštvo F BiH, građani Kakanja...
Vrijednost poklonjenih knjiga/ 299 PRIMJERAKA/ = 5.895,78 KM.

 Lokalna zajednica, pa i Vlade drugih nivoa, morale bi obezbijediti više novca za nabavku knjiga. Ovo tim prije, jer smo zemlja u tranzicijskim procesima, a za njihovo vođenje neophodna su znanja koja građani ne mogu pronaći u postojećim bibliotečkim fondovima.

Struktura nabavljene građe: Tabela 4.

Red broj	BIBLIOTEČKA ZBIRKA	NABAVKA 2021	NABAVKA 2022	NABAVKA 2023
1.	DRUŠTVENE NAUKE	195	135	116
2.	PRIRODNE I PRIMJENJENE	97	24	60
3.	JEZIK I KNJIŽEVNOST	773	598	581
4.	DJEČIJA KNJIŽEVNOST	397	325	283
4.	GEOGRAFIJA I ISTORIJA	48	16	18
5.	UMJETNOST	29	6	14
	UKUPNO	1.539	1.104	1072

 I pored značajne nabavke knjiga moramo priznati, obzirom da izdavačke kuće stalno i iznova izdaju knjige naša biblioteka još uvijek nema dovoljan broj aktualnih knjiga sa top listi izdavačkih kuća. Posebno napominjemo na nedostatak univerzitetskih udžbenika i druge stručne literature.

- ✓ nabavci knjiga i dalje naročitu pažnju posvećujemo jeziku i književnosti, uključujući i dječiju književnost:
 - najtraženije knjige
 - kao odgovor za potrebe učenika osnovnih i srednjih škola za lektinom. Iako biblioteka nije prevashodno dužna odgovoriti na potrebe iz lektirnog programa, stanje bibliotečkih fondova u školama i osjećaj odgovornosti prema učenicima i njihovim roditeljima opredijelila nas je na nabavku knjiga iz lektirnog programa. Izbor knjiga iz lektirnog programa stalno se mijenja i mi moramo zanavljati bibliotečki fond. Razlog je i što su knjige iz ovog fonda zbog frekvencije njihove posudbe prilično uništene.
 - ulogu javne biblioteke ostvarujemo pažljivim odabirom knjiga iz lijepe književnosti. Samo nova, aktualna i lijepa knjiga privlači čitaoca biblioteci. Možemo se pohvaliti da uspijevamo obezbijediti knjige sa top lista izdavača u BiH i regionu. Naše napore u nabavci aktualnih izdanja, svih žanrova, prepoznali su naši čitaoci, BH izdavači i BH pisci. Biblioteka je na taj način postala prepoznatljiva u krugu BH književnika, prijatelja i ljubitelja lijepe i dobre knjige.
- ✓ Nabavka stručne literature:
 - u nabavci knjiga pažnju i dalje posvećujemo studentima i srednjoškolicima – mladim istraživačima koji koriste bibliotečke fondove sa stručnom knjigom
 - podrška cjeloživotnom učenju i informiranju obavezuje nas na nabavku aktualnih izdanja
 - Raspoloživi bibliotečki fond = 55.401 knjiga
 - Respektabilan i referentan bibliotečki fond
 - Pažljivo oblikovanje bibliotečkih zbirki prema potrebama korisnika
 - Biblioteka prepoznata u Bosni i Hercegovini od strane korisnika, stručne javnosti i književnika
 - Podrška drugim bibliotekama darivanjem knjiga koje nam daruju Prijatelji biblioteke,

- Sve ove činjenice obavezuje na daljnji rad u ostvarivanju kontinuiteta razvoja biblioteke
- ◆ Poseban zadatak biblioteke je promocija BH književne produkcije i BH književnih stvaralaca. Mi ovaj zadatak sa ponosom ostvarujemo, i u nabavci i u ponudi tih knjiga korisnicima usluga.
- ◆ Tabela br. 4. pokazuje frekvenciju posudbe knjiga po bibliotečkim zbirkama i frekvenciju u odnosu na prethodne godine.

Posudba knjiga: Tabela 4.

Red. broj	BIBLIOTEČKA ZBIRKA	POSUDBA 2021	POSUDBA 2022	POSUDBA 2023
1.	DRUŠTVENE NAUKE	944	987	835
2.	PRIRODNE I PRIMJENJENE	154	127	95
3.	JEZIK I KNJIŽEVNOST	15.400	15.566	12.501
4.	GEOGRAFIJA I ISTORIJA	151	129	94
5.	UMJETNOST	35	29	13
	UKUPNO	16.684	16.838	13.538

POSUDBA KNJIGA IZ OBLASTI JEZIKA I KNJIŽEVNOSTI:

/ STRANI – DOMAĆI AUTORI /

Tabela br. 5.

Red. Broj	GODINA	AUTORI B – H – S	STRANI AUTORI
1.	2020	4.895	9.149
2.	2021	5.696	9.708
3.	2022	5.961	9.605
4.	2023	4.750	7.751

/ DJECA I ODRASLI /

Tabela br. 6.

Red broj	GODINA	DJEČIJE ODJELJENJE	ODJELJENJE ZA ODRASLE
1.	2020	5.371	8.673
2.	2021	5.985	9.415
3.	2022	6.649	8.917
4.	2023	5.381	8.157

✓ Otpis knjiga:

Bibliotečka zbirka je dinamičan izvor. Ona zahtijeva neprekidan priliv nove građe i otpisivanje stare, da bi se osiguralo da neprestano bude relevantna za zajednicu i na prihvatljivom nivou pouzdanosti.

Zatim, knjiga ima svoj vijek trajanja i obzirom na frekvenciju njezinog čitanja dolazi do oštećenja. A oštećena knjiga nije za čitanje, posebno djece i mladih, novih članova biblioteke. Zato svaka Biblioteka ima obavezu pročišćavanja bibliotečkog fonda i otpis dotrajalih i neperspektivnih knjiga. Otpis knjiga je vrlo složen posao i štetan po zdravlje radnika.

Ovo je posebno važno jer naša biblioteka ima ograničen prostor za smještaj knjiga.

U ovoj godini izvršili smo otpis **912 bibliotečkih jedinica.**

POSUDBA KNJIGA U ČITAONICI BIBLIOTEKE I RAD SA KORISNICIMA USLUGA:

- uspostavljanje punog kapaciteta biblioteke
- punu pažnju posvećujemo bibliotečkoj čitaonici, koja svojim naučnim odjeljenjem, informatičkom podrškom, brojem i strukturom bibliotečke građe, stručnom osposobljenošću osoblja predstavlja veliki resurs našeg Kaknja

- besplatan pristup čitaonici i bibliotečkom fondu za rad u čitaonici
- pedesetak „radnih mjesta „ za učenje i istraživanje svakodnevno koriste učenici, studenti i drugi korisnici, pri tom koristeći literaturu iz naučnog odjeljenja, koja se u principu ne posuđuje van prostorija biblioteke. Tu spadaju: stara i raritetna građa, arhivski i zavičajni primjerci, povezana godišta periodičnih publikacija, referentna zbirka (priručnici, enciklopedije, leksikoni, rječnici i sl.)
- svakodnevno se izda na korištenje po desetak knjiga, zbirno u 2023. godini cca 3.000 knjiga.
- rad u čitaonici podrazumijeva, u prvom redu, sofisticiranu stručnu pomoć korisnicima u izboru autora i djela, koja će najbolje odgovoriti na zadatu temu
- sugeriramo pojedinosti i osobenosti na koje treba da obrate pažnju
- rad sa korisnicima u čitaonici je veoma odgovoran, traži stručnost, pedagoški pristup i posvećenost
- mladi su svjesni da je ovo njihov prostor i da je Biblioteka njihov servis
- procese koje smo otvorili, stvaraju i otvaraju nove aktivnosti čitaonice

Danas u čitaonici naši korisnici usluga:

- rade svoje školske zadatke
 - uče
 - pišu lektire, seminarske i diplomske radove
 - izrađuju različite panoe za nastavne predmete
- ✓ U vrijeme zaposlenosti oba roditelja čitaonica sa svojim resursima odgovara na potrebe i roditelja i njihove djece.
 - ✓ Naravno, ne treba zaboraviti ni produktivno provođenje slobodnog vremena mladih u čitaonici. Možemo reći s pravom da je biblioteka „ radna i dnevna soba grada“

OSTALI BIBLIOTEČKI POSLOVI:

- ◆ Bibliotečki poslovi, uslovno rečeno nevidljivi za korisnike usluga.
 - u svojoj suštini su složeni i obimni i obavljaju se svakodnevno :
 - ✓ nabavka knjiga i njihova stručna obrada
 - ✓ adekvatan smještaj bibliotečke građe
 - ✓ uspostavljanje urednih evidencija o bibliotečkoj građi, korisnicima i o korištenju bibliotečke građe
 - ✓ statistička obrada evidentiranih podataka,
 - ✓ priprema bibliotečke građe za posudbu i posudba
 - ✓ manipulativni poslovi
 - ✓ telefonski pozivi za rezervacije i druga obavještenja korisnicima usluga
 - ✓ praćenje kataloga izdavača i sudjelovanje u nabavci knjiga, kontakti sa izdavačima
 - ✓ pomoć korisnicima usluga u izboru bibliotečke građe
- ◆ Svi poslovi se obavljaju u skladu sa usvojenim bibliotečkim standardima
- ◆ Kreiranju lokalne baze podataka u sistemu COBISS.BH
 - složenost, obim i karakter poslova koje COBISS.BH podrazumijeva traži puno vremena

- do danas obrađeno je 43.710 bibliotečkih jedinica,
- održavanje bibliotečkog fonda – oštećene knjige lijepimo sami i ponovo stavljamo u upotrebu
- ljubav i odgovornost prema knjizi traži da se ona čuva za buduće naraštaje

II - ZAVIČAJNA ZBIRKA I POTICAJ LOKALNIH KNJIŽEVNIH STVARALACA:

- ◆ Biblioteka posjeduje zavičajnu zbirku i čini sve napore u prikupljanju bibliotečke građe koja ima karakteristiku zavičajnosti. Moramo istaknuti, da nismo u potpunosti mogli odgovoriti na ovaj izazov, jer Biblioteka nema sredstava i raspoloživih ljudi za značajniji pristup ovom poslu
- ◆ Razvoj našeg grada, odražava se i na njegove građane, koji se u jednom uređenom okruženju, kakvo je naša Općina, sve više ohrabruju na stvaranje u oblasti književnosti. Njima treba podsticaj, stručna i logistička pomoć za daljnje stvaranje i publiciranje njihovog stvaralaštva.
- ◆ Prepoznata otvorenost Biblioteke za razgovore o mogućnostima izdavanja vlastitih knjiga i tokom godine izdali smo pet knjiga i radili na još nekoliko rukopisa.

AKTIVNOSTI NA IZRADI PROJEKATA I PROGRAMA:

U izvještajnom periodu sačinjeni su dokumenti.

- Program rada JU - za 2023. godine i upućen OV Kakanj na razmatranje. Program rada je jednoglasno usvojen.
- Izvještaj o radu JU - za 2022. godinu i upućen OV Kakanj na razmatranje. Izvještaj o radu JU „ Gradska biblioteka“ Kakanj jednoglasno je usvojen.
- Projekt podrške Programu rada JU „ Gradska biblioteka" Kakanj za 2023. godinu, prosljeđen na adresu Heidelbergzement Tvornica cementa Kakanj, kao prijatelju biblioteke. Tvornica cementa Kakanj pružila podršku u iznosu od 1.500,00 KM.

1. Javni poziv Federalnog ministarstva kulture i sporta:
 - ❖ Projekt : 9. PORUKE SA KAMENA – KOLIKO SE POZNAJEMO
Projekt je podržan u iznosu od 3.000,00 KM.
2. Javni poziv Fondacije za bibliotečku djelatnost Sarajevo
 - ❖ Projekt: Nabavka bibliotečkih regala sa zastakljenim vratima
Projekt je podržan u iznosu od 2.846,26 KM.
 - ❖ Projekt otkupa knjiga u izdanju biblioteke
Projekt podržan otkupom 140 primjeraka knjiga:

Mehmed Đokić „Ko je zapalio zvijezde?“	35 x
Harun Goralija „Simboli venere“	35 x
Mirsad Kulović „Trodnevni službeni put“	35 x
Mato Kovač „Dragulj“,	35 x

 Projekt podržan sa 2.555,28 KM.
 - ❖ Projekt nabavke najtraženijih naslova po izboru čitalaca.
Projekt podržan sa 1.500,00 KM.
3. Javni poziv Fondacije za izdavaštvo Sarajevo
 - ❖ Projekt: JUBILEJI KNJIGE
Projekt podržan sa 2.000,00 KM, u toku je realizacija projekta.
4. Javni pozivi Ministarstva za obrazovanje, kulturu, nauku i sport ZDK:

- ❖ Projekt: Tvornica kulture Kakanj – pogon 2023. godina
Projekt podržan sa 1.500,00 KM.
 - ❖ Projekt: „TEEN BIBLIOTEKA – ČITAJ VIŠE“
Projekt podržan sa 2.000,00 KM.
5. U saradnji sa općinom Kakanj – služba za privredu, urbanizam i zaštitu okoline, realizirali projekt „NABAVKA LEKTIRE I STRUČNE KNJIGE“. U projektu izvršena nabavka 91 knjige iz programa lektire i stručnih knjiga za potrebe srednjoškolaraca i studenata.
Vrijednost projekta 2.000,00 KM.

TVORNICI KULTURE KAKANJ – POGON 2023. **PROIZVEDENI PROGRAMSKI SADRŽAJI**

1. U okviru vlastitog izdavačkog programa:

pružili smo stručnu, tehničku i finansijsku pomoć autorima kako bi njihovi rukopisi ugledali svjetlo dana. Autori:

- Hasagić Hasan „Vrtić i grad“
- Fejzić Azra „Album“
- Raif Čehajić „Moji savremenici“

Izdavanje knjige je složen i dugotrajan posao; recenzija, lektura, grafičko-tehničko uređenje, obezbjeđenje finansijskih sredstava, CIP, štampa... svaki za sebe ima posebne zahtjeve.

2. 26. januara organizirali promociju knjige i mini koncert pod nazivom „**STIHOVI JEDNE MLADOSTI**“ autora **Frljak Nedima**.

Promotor: Željko Grahovac, književnik

3. 2. februara organizirali promociju knjige: „**MRAMORJE**“- **govor bosanskih duša autora Senada Pašića**.

Promotori: prof. dr. Elvir Musić, Željko Grahovac, književnik i Senad Pašić, autor

4. 13. februara organizirali promociju autorskih knjiga Fatime Kadrić: **KREATIVKO 2- Radna sveska za Matematiku, Bosanski jezik i književnost**

KREATIVKO 2 - Radna sveska za Moju okolinu

Promotori: prof. dr. Sanela Merjem Ruspempašić, Azra Bajrić, nastavnica, prof. Indira Buljubašić, prof. Amila Šehić i Jasmina Spahić, nastavnica

5. 16. februara organizirali promociju knjige: **HEROJI NAŠEG VREMENA** **Autora: Selvedin Dedić, Edmira Dedić i Amela Talić**

Promotori: Hajra Veispahić, Edmira Dedić, Amela Talić i Selvedin Dedić

6. 17. februara organizirali promociju romana: **SIMBOLI VENERE, autora Haruna Goralije**.

Promotori: dr. Esad Bajtal i Bešić Adis, prof.

Radi se o romanu iz izdavačkog programa Gradske biblioteke Kakanj.

7. 27. februara u povodu 26. februara dana pripovijedanja bajki organizirali program: „**U svijetu bajki**“

sudjelovali: učenici OŠ „Mula Mustafa Bašeskija“ Kakanj sa učiteljicom Lipovača Fatimom i BH književnik Fahrudin Kučuk.

8. 28. februara u povodu 1. marta Dana nezavisnosti BiH organizirali promociju romana: **BATONOV USTANAK** **autora: Saliha Straševića**

promotori: dr. sc. Zlatan Hrnčić, mr. Alen Zečević i Salih Strašević, autor

- 9. 18. marta** organizirali program **II PJESNIČKIH SUSRETA SUDJELOVALI PJESNICI IZ SARAJEVA, ZENICE, BUSOVAĆE, TUZLE I KAKNJA:**
Ibrahim Osmanbašić, Nada Ahmetspahić, Aleksandra Kostić, Milorad Kostić, Fatima Čorambegović-Jamaković, Faik Hadrović, Maida Avdić, Selman Hadžifejzović, Alma Imamović, Safija Vehabović, Vernest Subašić, Emina Selimović, Azemina Krehić, Merima Handanović, Ilda Arnautović, Faiza Helja – Haračić, Haračić, Hanifa Ahmetašević.
- 10. 20. marta** organizirali program „**ZAČITAJ SE!**“
Sudjelovali: učenici OŠ „15. APRIL“ Kakanj i književnik Fahrudin Kučuk
Program organiziran kako podrška projektu Ministarstva obrazovanja, nauke, kulture i sporta ZDK i Rotary kluba Zenica.
- 11. 22. marta** organizirali promociju knjige: „**VRTIĆ I GRAD**“ **monografija predškolske ustanove „Mladost“ Kakanj, autora Hasagić Hasana.**
Radi se o knjizi iz izdavačkog programa Gradske biblioteke Kakanj.
sudjelovali: Vildana Neimarlija, prof. psihologije, Edita Bajrić, prof., Emir Omeragić, prof. Aida Šišić Hakulija, prof, djeca Vrtića Mladost Kakanj.
- 12. 4. aprila** realizirali tri programa okvira projekta „**JUBILEJI KNJIGE**“ pod nazivom „**GLAVNI JUNAK MOJE KNJIGE**“
- OŠ“Mula Mustafa Bašeskija“ Kakanj u 10,00 sati
- Vrtić Mladost Kakanj u 11,00 sati
- OŠ „Hamdija Kreševljaković“ Kakanj u 14,00 sati
- 13. 12. aprila organizirali program pod nazivom PISMENA IZ PROŠLOSTI** **ΑΔΑΝ ΟΠΤΛΗΝΕ ΚΑΙΚΑΗΕ**
edukativno-kreativna radionica sa djecom volimo i radimo za naš Kakanj
voditelj radionice: Lejla Agić, muzejski pedagog
u programu sudjelovala djeca iz OŠ „Mula Mustafa Bašeskija“ i „Omer Mušić“
- 14. 24. aprila** organizirali program promocije knjige „**Dječak, krtica, lisica, konj**“ pod nazivom: „**PRIJATELJSTVO U KNJIGAMA**“
voditelj radionice: **Evelina topalović Čobo, dipl. psiholog**
- 15. 25. aprila** organizirali program promocije romana **Mirsada Pašovića** pod nazivom „**ŠEST PUTA GORIO SEDAM PUTA VOLIO**“
Vazda belaj, Huseinbeg, Drug Suljo, Bosanski blećak i Gospodin Sejo VJEČNA LJUBAV
Adem zvani krst i Pahulje na usnama
SUDJELOVALI: Mirsad Pašović, autor, Halima Mušić, glumica i Rade Čolović Čole, glumac
- 16. 25. maja** u povodu smrti našeg akademika prof. dr. Dževada Karahasana organizirali program **NASTAVLJAMO PRIČU - PODSJEĆANJE NA LIK I KNJIŽEVNO STVARALAŠTVO NAŠEG DŽEVADA KARAHASANA**
- 17. 6. juna** u gradskoj biblioteci Breza organizirali program promocije knjiga iz izdavačkog programa biblioteke „**Ko je zapalio zvijezde**“ Mehmeda Đokića i „**Simboli venere**“ Haruna Goralije.
- 18. 7. juna** organizirali program promocija knjige „**Mačak vegetarijanac i Žaba u štiklama**“ autorice **Elmire Helać – Mekić**
PROGRAM ZA DJECU I RODITELJE, uz muziku, pjesmu i lutkarsku igru sa prof. Agić Sabitom
Osnovna škola M. M. Bašeskija Kakanj područna škola TRŠĆE

19. 11. jula organizirali program:

Sjećanje na žrtve genocida u Srebrenici - Sva bol svijeta je danas u meni...

scenski performans koji su izveli glumci: Mirza Bajramović i Amer Javoraš

20. 15. septembra u saradnji sa UG „Armagedon“ Zenica organizirali orugli sto na temu: IZDAVAČKA POLITIKA DANAS

U kome su sudjelovali pjesnici iz BH, Srbije, Hrvatske, Crne gore,

Ajdin Alibabić,	Lidija Puđak,
Atina Mušić,	Ljiljana Lipovac,
Branko Serdar,	Marko Bačanović,
Damir Maras,	Milan Rakulj,
Edita Mulaosmanović,	Milorad Kostić,
Emilija Cerović,	Mirjana Jezildžić,
Ensar Bukarić,	Mladen Iličković,
Ilija Balta,	Muamera Planjac,
Ivanka Mijić,	Renata Pavković,
Jagoda Nikačević,	Sanja Strukar Križanac i
Jasmin Salčinović,	Valentina Novković.

21. 19. oktobra organizirali program promocije romana

ZAKLJUČANA VRATA - SUTJEŠKI MONOLOZI autora Željka Ivankovića.

U programu su sudjelovali: Alen Kristić, teolog, prevodilac i pisac, Hadžem Hajdarević, književnik i autor Željko Ivanković

22. 2. novembra organizirali edukativno – istraživačku radionicu na

temu: **ŠKOLSKE BIBLIOTEKE DANAS, SUTRA**

voditeljica radionice mr. sc. Nina Bunjevac Salkić, sudjelovali školski bibliotekari osnovnih i srednjih škola sa područja općine Kakanj
Cilj radionice je osvijetliti položaj i stanje školskih biblioteka danas, te potrebe i pravce njihovog razvoja u narednom periodu.

23. 23. novembra organizirali program promocije romana VELIKA AVLIJA autora Izedina Šikala

sudjelovali: prof. dr. Orhan Bajraktarević, prof. Hamza Ridžal, književnik, Željko Ivanković i autor Izedin Šikalo

24. 5. decembra u saradnji sa Društvom bibliotekara Federacije Bosne i Hercegovine organizirali Stručni skup:

„ Nove mogućnosti, novi pristupi“.

Gradska biblioteka Kakanj je partner u organizaciji ovog skupa i domaćin. Stručnom skupu prisustvovalo šezdesetak bibliotekara iz svih krajeva Federacije BiH.

Ovo je bila prilika da široj javnosti a i sebi samima ukažemo na značaj biblioteka i bibliotekara i njihovu spremnost na otvaranju novih mogućnosti i otvaranju novih pristupa u obavljanju bibliotečke djelatnosti. A sve zbog korisnika naših usluga – građana BiH.

REALIZIRANI PROJEKTI SA VEĆIM BROJEM PROGRAMSKIH SADRŽAJA:

● **Projekt „ TEEN BIBLIOTEKA – ČITAJ VIŠE“**

U okviru projekta:

Izvršili nabavku izabranih knjiga kod izdavača, vodeći računa da knjige budu izdate od BH izdavača i da budu štampane na bosanskom jeziku.

IZABRANI NASLOVI ZA ČITANJE:

- | | |
|--------------------|-----------------|
| 1. BOJE DRUGARSTVA | GORAN MARKOVIĆ |
| 2. MALE ŽENE | LUIZA MEJ ALKOT |
| 3. ČUDO | R. J. PALACIO |
| 4. MOMO | MIHAEL ENDE |

Izvršen izbor mentora za rad sa tinejdžerima koji će čitati djela, vodeći računa da to budu profesori koji sa svojim učenicima mogu ostvariti najbolje rezultate.
MENTORI.

- prof. Zinaid Delibašić
- prof. Adis Bešić
- prof. Alma Mahmutović
- prof. Čeliković Arifa
- prof. Spahić Alisa
- prof. Lipovača Fatima,
- prof. Zahirović Aldin
- prof. Begić Amira

- 1. U periodu od 15. septembra do 14. novembra** članovi timova za čitanje su intenzivno čitali i promišljali o pročitanoj, da bi na kraju sa svojim mentorima i voditeljem projekta razgovarali o modelima prezentacije pročitanih knjiga. Nekoliko mentora je imalo radne sastanke – radionice u biblioteci u kojima smo razgovarali o pročitanoj i načinu prezentacije knjiga i mogućnostima dovođenja gostiju na programe.
- 15. novembra** je realizirana prva multimedijalna radionica- **DJEČIJI OKRUGLI STO** na kojoj je predstavljena knjiga „Boje drugarstva“ autora Gorana Markovića.
Radi se o knjizi koja govori o drugarstvu, ljubavi i vršnjačkom nasilju i koja na kraju pledira sa prijateljstvo i ljubav.
Mi smo kupili 30 knjiga i svakom timu iz OŠ podijelili po pet.
Knjigu je čitalo VIŠE OD STOTINU osnovaca viših razreda, u pet osnovnih škola. Nakon što je vršnjačko nasilje buknuo u regionu smatrali smo da bi knjigu trebali čitati mladi u svim osnovnim školama i da nakon čitanja realiziraju multimedijalne promocije u svojim školama, svojim vršnjacima.
Svi mentori su realizirali programe predstavljanja u svojim školama, što je još šest programa predstavljanja ove knjige. Na programima predstavljanja knjige u svim školama zbirno prisustvovali više od 350 tinejdžera.
Naš program u gradskoj biblioteci **DJEČIJI OKRUGLI STO** realizirali su po pet predstavnika svih osnovnih škola - ukupno 30 učenika. Mladi su govorili o predrasudama, ljubavi, drugarstvu, vršnjačkom nasilju....
Program su pratile dvije TV kuće i medijski eksponirali rezultate projekta.
- 7. decembra realizirana prezentacija knjige „Male žene“** – autorice Luise Mej Alkot.
Mentorica, prof. sociologije Alma Mahmutović je program multimedijalno zamislila, a na programu su prisustvovali mladi iz srednje stručne škole – jedno odjelenje i petnaestak učenika iz gimnazije. Svi prisutni su vodili debatu o problematici koju knjigom aktueliziramo – položaj žene danas u BH društvu. Programu je prisustvovalo 40 - tak tinejdžera prijatelja mladih koji su čitali roman.
- 9. decembra realiziran program predstavljanja knjige: „Čudo“** autora R. J. PALACIO.
Program u kome smo ukazali na značaj drugog i drugačijeg, empatije i solidarnosti.
Programu je prisustvovalo četrdesetak mladih.
- 19. decembra realizirana multimedijalna prezentacija knjige „MOMO“**
Autor Mihael Ende. Programu. Multimedijalna prezentacija kojoj je prisustvovalo

40- mladih tinejdžera.

● **Projekt: 9. PORUKE SA KAMENA – KOLIKO SE POZNAJEMO ?**

Projektne aktivnosti:

1. **pronalaženje i izbor partnera** za realizaciju projektnih aktivnosti, mentora za rad sa timovima mladih i okupljanje mladih za rad u projektnim radionicama

Karakter našeg program je sudjelovanje i mladih iz drugih općina u BiH. U tom smislu a

u skladu sa odobrenim finansijskim sredstvima upućujemo poziv mogućim partnerskim organizacijama. Zbog nedovoljnih finansijskih sredstava opredijelili smo se da partnere potražimo u komšiluku. Visokom i Brezi. Uputili smo poziv Franjevačkoj gimnaziji u Visokom i gimnaziji „Muhsin Rizvić“ Breza.

Naš poziv je uključivao i poziv da škole naprave iznor mentora koji će raditi sa mladim.

Škole su u skladu sa našim zahtjevom imenovale mentore:

1. prof. Tatjana Miočević i prof. Melisa Zerdo iz Franjevačke gimnazije Visoko
2. prof. Mirza Herco iz gimnazije Muhsin Rizvić Breza
3. prof. Adis Bešić iz gimnazije Muhsin Rizvić Kakanj

Mentori iz partnerskih škola su napravili izbor učenika za rad u timovima i spiskove prosljedili nama kao nositeljima projekta.

2. **izbor edukatora za radionice** – istaknute BH naučnike i istraživače
Projektni zadatak – koliko se poznajemo tražio je da naš izbor za edukatora bude neko ko je poznat u javnosti kao stručnjak u ovoj oblasti i ko bi naše mlade mogao motivirati na rad u ostvarivanju projektnih aktivnosti. Nažalost neki od stručnjaka koje smo nominirali i od kojih smo tražili da budu dio našeg projekta nisu bili zainteresirani /dva profesora na Filozofskom fakultetu u Sarajevu/, pa smo edukatore protražili na Univerzitetu u Zenici, prof. dr. Esad Delibašić i prof. dr. Mirza Džananović sa filozofskog fakulteta u Zenici – odsjek kulturalne studije.

3. **organiziranje poludnevne edukativne radionice**

18. novembra 2023. godine organizirali poludnevnu radionicu u bibliotekoj čitaonici. Radionici su prisustvovali timovi iz sve tri partnerske organizacije. Radionica je započela sa radom u 10,00 sati uvodnim izlaganjem prof. dr. Esada Delibašića i prof. dr. Mirze Džananovića. Nakon njihovih uvodnih izlaganja mladi iz timova su postavljali pitanja i ukazivali na aktuelnu problematiku.

Razgovor na teme: Šta su predrasude?; Da li živimo u kulturi nasilja?; Da li je nasilje normalizirano u našem društvu?; Nasilje u porodici i medijima? Nacionalizam i nasilje?

U završnom dijelu edukativne radionice konstatovano je da je za stvaranje kulture nenasilja bitna edukacija u porodici, medijska afirmacija nenasilnog rješavanja problema i obrazovni sadržaji koji afirmiraju nenasilne oblike rješavanja konflikta.

Na kraju radionice naši edukatori su predstavili smjernice za istraživački rad sudionika radionice, koje će predstaviti na završnoj manifestaciji.

4. **organiziranje dvodnevne radionice na kakanjskom izletištu Ponijeri**

9. i 10. decembra organizirali dvodnevnu radionicu na kakanjskom izletištu Ponijeri.

Za ovu radionicu neophodno je bilo obezbijediti prevoz za sudionike projekta i njihov smještaj, kao i ishranu.

Potvrdili smo naše kapacitete na način da smo ovu radionicu organizirali na velikom nivou, što su svi sudionici i stakli na povratku kući.

U ovoj radionici su mladi pod vodstvom mentora izlagali kreativne sadržaje na teme koje su obrađene u okviru edukativne radionice. Tako su se mladi Franjevačke gimnazije Visoko predstavili sa raznovrsnim sadržajima fokusirajući se na konkretne primjere nasilja u svakodnevnim životnim situacijama. Mladi Gimnazije Muhsin Rizvić iz Breze su fenomen nasilja prikazali kroz analizu ženskih likova u klasičnim književnim djelima. Mladi Gimnazije Muhsin Rizvić iz Kaknja su, uz druge sadržaje, prikazali rezultate empirijskih istraživanja o stavovima mladih.

Radionice 9. i 10. decembra su bile i završne radionice na kojim smo planirali da mladi predstave svoja istraživanja.

Projekt se povrdio odličnim, sa ostvarenim ciljevima, jer su mladi na sebi svojstven način napravili istraživačke radove.

Na kraju radnog dana, učesnici su napravili rezime cjelokupnog projekta te, konstatovali:

1. Da je nužno kod mladih afirmirati kritički pristup pri razumijevanju društvenih pojava i složenih međuljudskih odnosa
2. Da bi mediji kroz edukativne sadržaje trebali intenzivnije afirmirati nenasilno rješavanje problema
3. Obrazovne ustanove bi trebale kod učenika razvijati vještine nenasilnih oblika komunikacije
4. Da je nužna edukacija u porodici o značaju kulture nenasilja.
5. Da su itekako potrebni projekti slični ovom našem u kojim bi mladi družeći se pronalazili odgovore i rješenja za društvene probleme imanetne njima.
6. Da je Gradska biblioteka Kakanj ispunila naša očekivanja i kroz 9. Poruke sa kamena podvrdila da posjeduje odgovornost i kapacitete za rad s mladim, te da će naredne, 10. Poruke sa kamena biti još bolje.

Za istaći je da smo zajedno sa Federalnim ministarstvom kulture i sporta, općinom Kakanj i partnerskim školama uspjeli obezbijediti KONTINUITET PORUKA SA KAMENA. Došli smo do DEVETIH PORUKA. Sljedeće godine idemo sa 10. Porukama sa kamena, i one polako postaju značajna kulturna manifestacija u našem Kaknju, pa i u ZKD i Federaciji Bosne i Hercegovine.

SARADNJA SA OSNIVAČEM, KAKANJSKIM PREDUZEĆIMA, NVO, MEĐUNARODNIM ORGANIZACIJAMA U BiH

- **Općina Kakanj**, kao osnivač, u ovoj godini je Gradskoj biblioteci Kakanj iskazala podršku. Općinski načelnik i stručne službe, zajedno sa vijećnicima OV Kakanj u Budžetu su obezbijedili 42.000,00 KM. Općina Kakanj je na prijedlog Nalečnika obezbijedila i 10.226,80 KM na ime izrade elaborata potrebnih za ishodovanje Urbanističke saglasnosti za rekonstrukciju i nadogradnju objekta Biblioteke i JU KSC Kakanj. Općina Kakanj, kao garant ostvarivanja javnog interesa prepoznala je bibliotečku djelatnost kao djelatnost od posebnog društvenog interesa i omogućila slobodno /

besplatno/ korištenje bibliotečke građe svim svojim građanima. Sljedeći korak u tom prepoznavanju važnosti bibliotečke djelatnosti trebao je biti obezbjeđenje značajnijih finansijskih sredstava u Budžetu općine za potrebe biblioteke. Nažalost taj korak je izostao.

- **KOMPANIJA HEIDELBERGZEMENT - KAKANJCEMENT** je nastavila već tradicionalnu podršku Gradskoj biblioteci. Mislimo da će stvoreno povjerenje između ova dva poslovna subjekta rezultirati pružanjem podrške i u narednim godinama.
- **AMBASADA JAPANA U BOSNI I HERCEGOVINI – READ JAPAN PROJECT 2023** - Cilj PROJEKTA READ JAPAN PROJECT je pružiti izvanredne knjige čitateljima diljem svijeta kako bi im pružili točno razumijevanje Japana. Nakon što su poslali spisak knjiga mi smo napravili izbor četrdesetak knjiga za koje mislimo da će biti od koristi našim građanima.
- U okviru saradnje sa drugim subjektima moramo ovdje posebno istaknuti da su naši projekti naišli na dobar prijem kod Fondacije za bibliotečku djelatnost Sarajevo, Fondacije za izdavačku djelatnost Sarajevo i Ministarstva za obrazovanje, nauku, kulturu i sport ZDK, Federalno ministarstvo kulture i sporta i naravno Općine Kakanj.
- Saradnja sa BH izdavačima, koji daruju knjige za naše programe ili obezbjeđuju značajniji rabat. Ovdje navodimo samo neke: Bosanska riječ iz Tuzle, Vrijeme Zenica, Buybook Sarajevo, Planjax komerc Tešanj, Malik books...
- Zahvaljujući odličnoj saradnji sa NTV IC Kakanj, Kakanjske novine, Radio Kakanj, kakanjskim WEB portalima, Federalnoj TV i drugim medijima svi programski sadržaji i naravno, aktivnosti u okviru „redovne“ djelatnosti su prezentirani kakanjskoj i u određenoj mjeri BH javnosti. Naša facebook stranica je uvijek ažurna i nudi informacije o ponudi knjiga i programskih sadržaja.

ODRŽAVANJE OBJEKTA I NABAVKA I ODRŽAVANJE OPREME :

- Sredinom godine dobili smo radosnu vijest. Zamjenica Predsjedavajućeg Skupštine ZDK obavijestila nas je da je uspjela izlobirati kod Vlade ZDK 300.000,00 KM na ime projekta rekonstrukcije i nadogradnje objekta Gradske biblioteke Kakanj. Obavijestili smo javnost o mogućnosti nadogradnje Gradske biblioteke i odmah nakon što je Načelnik općine potpisao Ugovor o korištenju tih sredstva ušli u proces implementacije projekta. Sav pao je na gradsku biblioteku, koja usput rečeno, nema adekvatne ljudske resurse za takav posao. Ipak ušli smo u nabavku usluga za izradu glavnog projekta i izradu elaborata koji su neophodni za iznalaženje Urbanističke saglasnosti. Općinski načelnik je rebalansom budžeta obezbijedio finansijska sredstva za plaćanje tih usluga. Mi danas imamo urbanističku saglasnost i izrađene elaborate. Nažalost zainteresirana strana žalila se na našu urbanističku saglasnost, tako da sada čekamo rješenje nadležnog ministarstva kao drugostepenog organa. U međuvremenu smo pripremili određene dokumente potrebne za ishodovanje odobrenja za gradnju, kako bi ušli u javne nabavke za izbog izvođača radova.
- Posebna pažnja na održavanju objekta:
 - u sigurnosnom smislu, kompletan objekt i imovina i radnici su osigurani

- osiguran svakodnevni protuprovalni monitoring
- održavanje objekta, njegova funkcionalnost, opremljenost i urednost, zadaća je koju redovito ispunjavamo,
- obezbjeđenje tehničke i bibliotečke opreme
 - izvršili nabavku četiri bibliotečka ormara sa zastakljenim vratima za smještaj knjiga, čija je vrijednost 6.498,96 KM. Sredstva za nabavku ormara obezbijedili smo na javnom pozivu Fondacije za bibliotečku djelatnost u iznosu od 2.846,26 KM, razliku je obezbijedila općina i dio vlastitih sredstava. Zamjena dotrajalih ormara traje već desetak godina. Ostala su još 2 ormara koja tereba zamijeniti, i mi bi time završili kompletnu zamjenu bibliotečkih ormara. Stare ormare poklanjamo našim školama na njihovou radost.
 - Naravno smještaj knjiga u nove police je izuzetno obiman, traži prenos ormara i premještaj knjiga, iz starih u nove ormare, što rade radnici Biblioteke, i uglavnom su to žene. Knjige se redaju u ormare uskladu sa bibliotečkim standardima i potivanje topografskog kataloga biblioteke.
- Gradska biblioteka tokom godine otvorena je više od 300 dana.

LJUDSKI RESURSI :

- zaposleno sedam radnika
 - ✓ pet radnika servisira korisnike bibliotečkih usluga i obavlja druge poslove
 - ✓ jedan radnik radi na održavanju higijene
 - ✓ jedan radnik obavlja rukovodne, pravne i druge administrativno – tehničke poslove.
 - ✓ povećan broj korisnika, broj nabavljenih knjiga, broj i karakter organiziranih programskih sadržaja, ostvarivanje savremene uloge biblioteke u lokalnoj zajednici zahtijeva dodatno zapošljavanje jednog bibliotekara.

Tabela br. 7.

Red broj	RADNO MJESTO	BROJ ZAPOSŁ.	stručna sprema	osnovna plata 2023.
1.	DIREKTOR	1	VSS	1.267,73
2.	BIBLIOTEKAR	2	VSS	1.124,22
3.	KNJIŽNIČAR	3	SSS	832,40
4.	HIGIJENIČAR	1	NSS	626,69

- Prosječna plaća u FBiH u 2023. godini znosila je 1.262,25 KM, a prosječna plaća radnika u Biblioteci iznosila je: 1.130,68 KM. Topli obrok do IX/2023 isplaćivan po 10,00 KM, a poslije 11,60 KM.
- svi radnici posjeduju stručna znanja i zvanja, koja obezbjeđuju kvalitetno obavljanje poslova
- svi radnici su posvećeni poslu i spremni da u svakom momentu pruže pravu uslugu „ njegovoj ekselenciji čitaocu “
- nažalost svi radnici, kao i djelatnost koju obavljaju nalaze se na marginama interesovanja lokalne zajednice - osnivača, pa i Vlada FBiH i ZDK.

- Bibliotečka djelatnost je djelatnost od posebnog značaja / zakonska odredba/. Gradska biblioteka Kakanj kontinuirano raste i nastavlja svoj uspješan rad. I 2023. godina je bila uspješna, u svim aspektima ostvarivanje programa i djelatnosti.

Nažalost ovi i ovakvi rezultati i vrednovanje radnika od Osnivača i finansijera - Vlade ZDK ne korespondiraju.

Postignuti uspjesi i dostignuti standardi u radu opravdavaju njezino postojanje i finansijska ulaganja i ZDK i općine Kakanj kao osnivača.

Postignuti rezultati obavezuju na daljnji rad.



Ul Šehida bb
72240 Kakanj
Bosna i Hercegovina
Tel, fax: +387 32 559 625
email: biblion_ka@yahoo.com

IZVJEŠTAJ
O FINANSIJSKOM POSLOVANJU
za period 01. januara do 31. decembra 2023. godine

Kakanj, februar 2024 godine

I Z V J E Š T A J
O FINANSIJSKOM POSLOVANJU
za period 01. 01-31.12. 2023.

STRUKTURA PRIHODA

JU Gradska biblioteka u 2023. godini ostvarila je ukupan prihod u iznosu od 269.624,83 KM.

U ukupno ostvarenom prihodu 2,80 % (7.549,99 KM) predstavlja realizaciju vlastitih prihoda.

Ukupni prihodi iz Budžeta ZE -DO kantona 71,82 % (193.646,50 KM) odnose se na plate i naknade troškova zaposlenih i materijalne troškove u iznosu od 190.146,50 KM, a iznos od 3.500,00 KM doznake za razne kulturno – umjetničke programe.

Dio prihoda od (54.726,80 KM) što iznosi 20,30 % je prihod iz Budžeta Općine za tekuće finansiranje 36.000,00 KM, iznos od 500,00 KM za kulturno – umjetničke programe, iznos 6.000,00 KM upisnine, iznos od 2.000,00 projekt nabavke stručnih knjiga, iznos 10.226,80 KM izrada elaborate za rekonstrukciju i nadogradnju objekta.

Prihodi u iznosu od (11.901,54 KM) 4,41 % predstavljaju dotacije Federalnog ministarstva kulture i sporta, Fondacija za izdavaštvo i Fondacija za biblioteču djelatnost ostvarene po javnim pozivima na koje smo se prijavljivali.

Prihod u iznosu od (1.800,00 KM) 0,67 % su donacije za kulturno – umjetničke programe. Tvornica cementa Kakanj i Trgošped Kakanj.

Struktura prihoda, zajedno sa uporednim pokazateljima u odnosu na prethodnu godinu prikazana je u tabeli koja je sastavni dio ovog izvještaja.

STRUKTURA RASHODA

U ukupnim rashodima u iznosu od 237.181,97KM najveću stavku čine bruto plaće i naknade u iznosu od 137.648,73 KM, što je sa obavezom za doprinose poslodavca ukupno 152.101,83 KM.

Značajnu stavku u rashodima predstavlja energija i to 8.221,60 KM od čega za centralno grijanje 7.567,56 KM.

Struktura rashoda za 2023. godinu zajedno sa uporednim pokazateljima za isti period prethodne godine prikazana je u tabeli koja je sastavni dio ovog izvještaja.

TROŠKOVI ZAPOSLENIH

Posječno isplaćena neto plaća po zaposleniku u periodu 01. januara do 31. decembra 2023. godine iznosi 1.130,68 KM.

Topli obrok isplaćuje se 11,61 KM po izrađenom radnom danu.

Regres za godišnji odmor isplaćen u iznosu od 616,50 KM po zaposleniku.

OBAVEZE

Ukupne obaveze za period januar – decembar 2023. godine odnose se na:

– Obaveze prema dobavljačima	6.292,75 KM
– Obaveze za plaće – redovan rad	7.613,81 KM
– Obaveze na doprinose	5.205,41 KM
– Obaveze za naknade – topli obrok	1.606,23 KM

Iznos iskazan na obavezama za plaće i doprinose predstavlja obračunate, a neisplaćene plaće za mjesec decembar 2023. godine. Plata za mjesec decembar realizovana u mjesecu januaru 2024. godine.

ANALIZA POTRAŽIVANJA

Ukupna potraživanja od kupaca na dan 31.12.2023. godine iznose 77,00 KM.

ANALIZA STALNIH SREDSTAVA

Nabavna vrijednost stalnih sredstava na dan 01.01.2023. godine iznosi 1.048.715,58 , a na dan 31.12.2023. godine 1.074.066,41 KM.

Iz ovog podatka proistiće da je u izvještajnom periodu izvršeno ulaganje u stalna sredstva.

Računovođa:

/Muamera Erović/

Direktor:

/ Senad N. Čišija /

FINANSIJSKI IZVJEŠTAJ 2023. GODINA

Budžetski korisnik: **JU GRADSKA BIBLIOTEKA KAKANJ**

R/b	Ekonom. kod	Naziv pozicije plana	Izvršenje I-XII/22	Plan 2023	Izvršenje I-XII/2023	Index 6/4	Index 6/5
1	2	3	4	5	6	7	
1	700000	PRIHODI (2+6)	230.498,16	228.152,00	269.624,83	116,97	118,18
2	720000	Neporezni prihodi (3)	1.408,16	1.000,00	7.549,99	536,16	755,00
3	722600	Vlastiti prihodi budžetskih korisnika (5)	1.408,16	1.000,00	7.549,99	536,16	755,00
5	722613	Ostali prihodi	1.408,16	1.000,00	7.549,99	536,16	755,00
6	730000	Tekuće potpore (7+17)	229.090,00	227.152,00	262.074,84	114,40	115,37
7	732000	Primljeni grantovi viših nivoa vlasti (8+9+10+11+12+13+14+15+16)	227.590,00	226.152,00	260.274,84	114,36	115,09
8	732116	Budžet općine - redovno finansiranje	38.000,00	36.000,00	36.000,00	94,74	100,00
9	732116	Budžet općine - volonteri	10.500,00	0,00	0,00	0,00	0,00
10	732116	Budžet općine - upisnine	0,00	6.000,00	6.000,00	0,00	100,00
11	732116	Budžet općine - projekt nabavke stručne literature	0,00	0,00	2.000,00	0,00	0,00
12	732116	Budžet općine - izrada elaborata za rekon. i nadogr.objekta	0,00	0,00	10.226,80	0,00	0,00
13	732116	Budžet općine - kulturne manifestacije	2.600,00	2.000,00	500,00	19,23	25,00
14	732114	ZE-DO kanton - redovno finansiranje	164.640,00	178.152,00	190.146,50	115,49	106,73
15	732112	Primljeni grantovi FBIH	9.850,00	2.000,00	11.901,54	120,83	595,08
16	732114	Primljeni grantovi ZE-DO kantona	2.000,00	2.000,00	3.500,00	175,00	175,00
17	733110	Primljene namjesne donacije i sponzorstva	1.500,00	1.000,00	1.800,00	120,00	180,00
		Ukupno:	230.498,16	228.152,00	269.624,83	116,97	118,18

Ekonom. kod	Vrsta izdataka	Izvršenje I-XII/22	Plan 2023	Izvršenje I-XII/2023	Index 6/4	Index 6/5	
1	2	3	4	5	6	7	
1	A) TEKUĆI RASHODI (2.+9.+10.)	214.112,96	216.210,00	237.181,97	110,77	109,70	
2	611000	Plaće i naknade troškova zaposlenih (3.+5.)	141.968,90	160.680,00	162.485,64	114,45	101,12
3	611100	Bruto plaće i naknade (4)	124.754,90	137.800,00	137.648,73	110,34	99,89
4	611110	Neto plaće i naknade plaća	124.754,90	137.800,00	137.648,73	110,34	99,89
5	611200	Naknade troškova zaposlenih (6.do8.)	17.214,00	22.880,00	24.836,91	144,28	108,55
6	611224	Naknade za topli obrok tokom rada	13.189,00	16.980,00	17.371,41	131,71	102,31

7	611225	Regres za godišnji odmor	3.885,00	4.900,00	4.315,50	111,08	88,07
8	611226	Ostale naknade zaposlenim	140,00	1.000,00	3.150,00	2.250,00	315,00
9	612000	Doprinosi poslodavca i ostali doprinosi	13.099,25	14.500,00	14.453,10	110,34	99,68
10	613000	Izdaci za materijal i usluge (11.+12.+15.+20.+24.+26.+28.+32.)	59.044,81	41.030,00	60.243,23	102,03	146,83
11	613100	Putni troškovi	829,70	500,00	1.303,75	157,14	260,75
12	613200	Izdaci za energiju (13. do 14.)	8.243,67	8.200,00	8.221,60	99,73	100,26
13	613211	Izdaci za električnu energiju	676,11	600,00	654,04	96,74	109,01
14	613212	Izdaci za centralno grijanje	7.567,56	7.600,00	7.567,56	100,00	99,57
15	613000	Izdaci za komunalne usluge (16. do 19.)	1947,51	1.900,00	2.096,99	107,68	110,37
16	613311	Izdaci za telefonske usluge	596,15	550,00	644,25	108,07	117,14
17	613312	Izdaci za internet	358,80	300,00	429,00	119,57	143,00
18	613314	Poštanske usluge	244,40	300,00	288,20	117,92	96,07
19	613321	Izdaci za vodu i kanalizaciju	748,16	750,00	735,54	98,31	98,07
20	613400	Nabavka materijala (21. do 23.)	2.257,33	2.000,00	1.804,44	79,94	90,22
21	613416	Sitan inventar u upotrebi	115,00	200,00	35,40	30,78	17,70
22	613419	Izdaci za kancelarijski materijal	1.488,68	1.200,00	1.230,30	82,64	102,53
23	613484	Izdaci za materijal za čišćenje	653,65	600,00	538,74	82,42	89,79
24	613500	Izdaci za usluge prevoza i goriva (25)	70,20	100,00	1.755,00	2.500,00	1.755,00
25	613522	Prevozne usluge	70,20	100,00	1.755,00	2.500,00	1.755,00
26	613700	Izdaci za tekuće održavanje (27)	665,92	2.000,00	226,69	34,04	11,33
27	613712	Materijal i usluge za održavanje stalnih sredstava	665,92	2.000,00	226,69	34,04	11,33
28	613800	Izdaci osiguranja, bankarskih usluga i usluga platnog prometa (29.+30.+31.)	2.103,09	1.960,00	1.728,30	82,18	88,18
29	613811	Izdaci za osiguranje objekata i imovine	643,00	650,00	638,00	99,22	98,15
30	613821	Usluge bankarskog prometa	1.255,05	1.100,00	834,90	66,52	75,90
31	613810	Izdaci za osiguranje radnika	205,04	210,00	255,40	124,56	121,62
32	613900	Ugovorene i druge posebne usluge (33. do 50.)	42.927,39	24.370,00	43.106,46	100,42	176,88
33	613913	Izdaci za informisanje	1.148,99	500,00	926,24	80,61	185,25
34	613912	Usluge kopiranja i štampanja	831,73	500,00	1.588,71	191,01	317,74
35	613914	Usluge reprezentaciju	1.669,31	500,00	2.887,25	172,96	577,45
36	613915	Izdaci za stručne usluge	0,00	300,00	0,00	0,00	0,00
37	613925	Profesionalna rehabilitacija i zapoš. Inva. lica	623,77	600,00	688,21	110,33	114,70
38	613931	Knjigovodstvene usluge	2.550,00	2.400,00	2.700,00	105,88	112,50
39	613961	Zatezne kamate i troškovi spora	0,68	0,00	0,66	97,06	0,00
40	613970	Naknade Volonterima	9.030,00	0,00	430,00	0,00	0,00
41	613977	Izdaci za ugovorene usluge autorski honorar	8.466,00	5.000,00	8.340,00	98,51	166,80
42	613976	Izdaci za usluge po osnovu ugovora o djelu	1.180,00	800,00	870,00	73,73	108,75
43	613978	Izdaci za usluge po osnovu ugovora naknade članovima UO i NO	2.860,00	3.120,00	3.120,00	109,09	100,00
44	613987	Izdaci za poreze za ugovorene obaveze	4.661,35	3.500,00	3.465,25	74,34	99,01

45	613983	Posebna naknada na dohodak za zaštitu od prirodnih i drugih nesreća	525,11	500,00	540,07	102,85	108,01
46	613984	Izdaci za vodnu naknada	525,11	500,00	540,07	0,00	0,00
47	613991-3	Ostale nespomenute usluge i dadžbine	1.500,67	1.000,00	10.529,74	701,67	1.052,97
48	613991-2	Izdaci za COBIS BiH	1.408,32	1.400,00	1.408,32	100,00	100,59
49	613991-1	Izdaci za kulturno - umjetničke programe	5.244,35	3.000,00	4.318,74	82,35	143,96
50	613991	Izdaci za monitoring i protivprovalno obezbjeđenje objekata	702,00	750,00	753,20	107,29	100,43
51	614239	ostali tekući grantovi	0,00	0,00	0,00	0,00	0,00
52	821300	B) NABAVKA STALNIH SREDSTAVA (52.)	19.663,66	11.942,00	27.448,40	139,59	229,85
53	821300	Nabavka opreme	19.663,66	11.942,00	27.448,40	139,59	229,85
			233.776,62	228.152,00	264.630,37	113,20	115,99
		U k u p n o:					

